

საჯარო სამართლის იურიდიული პირი – საჯარო რეესტრის ეროვნული სააგენტო

სატენდერო დოკუმენტაცია

ინტრანეტ ქსელის მომსახურების შესყიდვა

გამარტივებული ელექტრონული ტენდერი

წინამდებარე სატენდერო დოკუმენტაცია შედგენილია „სახელმწიფო შესყიდვების შესახებ“ საქართველოს კანონის და სახელმწიფო შესყიდვების სააგენტოს თავმჯდომარის 2011 წლის 7 მაისის №9 ბრძანებით დამტკიცებული „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის“ შესაბამისად.

ქ. თბილისი
დეკემბერი 2011 წელი

სატენდერო დოკუმენტაცია

სარჩევი

1. A ინსტრუქტაჟი გამარტივებულ ელექტრონულ ტენდერში მონაწილეობის მისაღებად ----	3-5
2. B საკვალიფიკაციო მოთხოვნები -----	5
3. C ტექნიკური დავალება, სატენდერო წინადადების ფასის გაანგარიშების წესი, ანგარიშსწორების პირობები -----	6-7
4. D პრეტენდენტის ტექნიკური დოკუმენტაცია -----	7
5. E დამატებითი ინფორმაცია -----	7
დანართი №1 ერთი თვის ინტრანეტ კავშირის უზრუნველყოფის მომსახურების ღირებულების ფასთა ცხრილი ფორმა -----	8
დანართი №2 სახელმწიფო შესყიდვის შესახებ ხელშეკრულების პროექტი -----	9-14
დანართი №3 - აფიდავიტი (საილუსტრაციო ფორმა) -----	15

A ინსტრუქტაჟი გამარტივებულ ელექტრონულ ტენდერში მონაწილეობის მისაღებად

გამარტივებული ელექტრონული შესყიდვა, როგორც თქვენთვის ცნობილია, ტარდება სახელმწიფო შესყიდვების ერთიანი ელექტრონული სისტემის (შემდგომში – სისტემა) მეშვეობით.

გამარტივებული ელექტრონული ტენდერის გამოცხადებისთანავე, თქვენ გეძლევათ საშუალება გაეცნოთ სატენდერო განცხადებას და სატენდერო დოკუმენტაციას. სატენდერო წინადადების მიღება იწყება წინადადების მიღების ვადის დასრულებამდე 2 დღით ადრე.

სატენდერო წინადადების წარდგენისათვის: პირველ რიგში, პრეტენდენტი უნდა დარეგისტრირდეს სისტემაში. შემდეგ, იგი ვალდებულია გაეცნოს აფიდავიტს და დაეთანხმოს მას (გაცნობას და თანხმობას ადასტურებს სისტემის მეშვეობით).

ამის შემდეგ, იგი ვალდებულია ჯერ წარმოადგინოს სატენდერო წინადადების უზრუნველყოფის გარანტია, ხოლო შემდეგ გადაიხადოს ტენდერში მონაწილეობის საფასური. აღნიშნული მოქმედებები განხორციელდება ელექტრონულად, სისტემის მეშვეობით. როგორც სატენდერო წინადადების უზრუნველყოფის გარანტიის, ასევე საფასურის მიმღები არის სახელმწიფო შესყიდვების სააგენტო. თუ სისტემის ავტომატური საშუალებები ტენიკურად არ არის გამართული პრეტენდენტი სატენდერო წინადადების უზრუნველყოფის გარანტიის დედანს და საფასურის გადახდის დამადასტურებელ დოკუმენტს წარუდგენს შემსყიდველ ორგანიზაციას.

სატენდერო წინადადების უზრუნველყოფის გარანტია უნდა იქნას წარმოდგენილი სატენდერო განცხადებაში მითითებული სავარაუდო ღირებულების 1 პროცენტის ოდენობით. ტენდერში მონაწილეობის საფასური შეადგენს 50 ლარს.

სატენდერო წინადადების უზრუნველყოფის გარანტია არ ექვემდებარება დაბრუნებას შემდეგ შემთხვევებში:

- ა) თუ პრეტენდენტი უარს აცხადებს მის მიერ წარმოდგენილ სატენდერო წინადადებაზე,
- ბ) თუ პრეტენდენტი შეყვანილია მიმწოდებელთა შავ სიაში შესაბამისი შესყიდვის განხორციელების შედეგად
- გ) პრეტენდენტი იქნა დისკვალიფიცირებული შემდეგი მიზეზების გამო: წარმოდგენილი საკვალიფიკაციო მონაცემების დამადასტურებელი დოკუმენტები არ შეესაბამება სატენდერო დოკუმენტაციით გათვალისწინებულ მოთხოვნებს, წარმოდგენილი საკვალიფიკაციო მონაცემების დამადასტურებელი დოკუმენტები წარმოდგენილია დადგენილი წესების დარღვევით, პრეტენდენტმა უარი განაცხადა ხელშეკრულების დადებაზე, ხელშეკრულების დადების უფლების მოსაპოვებლად პრეტენდენტმა ჩაიღინა არაკეთილსინდისიერი ქმედება.

მას შემდეგ, რაც ზემოაღნიშნულ ქმედებებს განახორციელებთ, თქვენ უფლება გაქვთ სისტემის მეშვეობით წარადგინოთ სატენდერო წინადადება.

სატენდერო წინადადების წარდგენა გულისხმობს პრეტენდენტის ტექნიკური დოკუმენტაციის ატვირთვას და სატენდერო წინადადების ფასის ელექტრონულად მიეთითებას სისტემაში. პრეტენდენტის ტექნიკურ დოკუმენტაციაში აუცილებლად უნდა შედიოდეს ის დოკუმენტები და იმ ფორმით როგორც არის მოთხოვნილი სატენდერო დოკუმენტაციით პრეტენდენტის ტექნიკური დოკუმენტაციისთვის, ასევე შეიძლება შედიოდეს ნებისმიერი დოკუმენტი რომელსაც პრეტენდენტი ჩათვლის საჭიროდ.

პრეტენდენტი პირველ რიგში ატვირთავს ტექნიკურ დოკუმენტაციას, რაც შესაძლებლობას მისცემს მას ელექტრონულად მიუთითოს ფასი სისტემაში.

სატენდერო წინადადების ფასის მითითებისთანავე თქვენ უფლება გაქვთ მიიღოთ მონაწილეობა ელექტრონულ ვაჭრობაში, რომელიც იყოფა ძირითად დროდ და დამატებით სამ რაუნდად.

ძირითად დროში უფლება გაქვთ ცვალოთ თქვენი ფასი, კლესადობის პრინციპის გათვალისწინებით და შემსყიდველის მიერ განსაზღვრულ ბიჯზე არანაკლები ოდენობით.

დამატებითი რაუნდების თითოეულ რაუნდში პრეტენდენტს უფლება აქვს მხოლოდ ერთხელ შეამციროს წინადადების ფასი, რისთვისაც განესაზღვრება ორი წუთი. დამატებით რაუნდებში მონაწილეობა სავალდებულო არ არის და პრეტენდენტს უფლება აქვს მონაწილეობა არ მიიღოს მათში. ძალაში რჩება მის მიერ დამატებითი რაუნდების დაწყებამდე დაფიქსირებული საბოლოო ფასი.

დამატებით რაუნდებში მონაწილეობის მიღების უფლება აქვთ მხოლოდ იმ პრეტენდენტებს, რომლებმაც ძირითად დროში წარადგინეს წინადადება დადგენილი წესით. პირველ რაუნდში, პრეტენდენტები მათ მიერ ძირითად დროში წარდგენილ ფასებს ცვლიან რიგ-რიგობით. რიგითობა განისაზღვრება ძირითად დროში პრეტენდენტების მიერ წარდგენილი ფასების კლესადობის მიხედვით. პირველ რაუნდში ბოლო შეთავაზებას აკეთებს ძირითად დროში დაფიქსირებული ყველაზე დაბალი ფასის მქონე პრეტენდენტი. ყოველ მომდევნო რაუნდში ფასების წარდგენის რიგითობა განისაზღვრება წინა რაუნდში დაფიქსირებული ფასების მიხედვით, კლესადობის პრინციპით ანუ ყოველ მომდევნო რაუნდში ბოლო შეთავაზებას აკეთებს ის პრეტენდენტი, რომელმაც წინა რაუნდში ყველაზე დაბალი ფასი დააფიქსირა.

მას შემდეგ, რაც დასრულდება დამატებითი რაუნდები, სისტემა პრეტენდენტებს ავგუფებს სატენდერო წინადადებების ფასების მიხედვით. ამის შემდეგ შემდეგ შემსყიდველი ორგანიზაციის მიერ მოწმდება ყველაზე დაბალი ფასის მქონე პრეტენდენტის მიერ წარმოდგენილი ტექნიკური დოკუმენტაცია.

იმ შემთხვევაში თუ პრეტენდენტის ტექნიკური დოკუმენტაცია არ შეესაბამება სატენდერო განცხადებით და სატენდერო დოკუმენტაციით გათვალისწინებულ მოთხოვნებს, შემსყიდველი ორგანიზაცია ასეთ პრეტენდენტს განუსაზღვრავს სამ დღიან ვადას შეუსაბამობის გასწორებისთვის. დაუშვებელია სატენდერო წინადადების ისეთი დაზუსტება რომელიც არსებითად ცვლის მას ან გავლენას ახდენს წინადადების ფასზე. ამ შემთხვევაში ხდება პრეტენდენტის დისკვალიფიკაცია.

თუ პრეტენდენტის სატენდერო წინადადება შეესაბამება სატენდერო განცხადებისა და სატენდერო დოკუმენტაციის მოთხოვნებს, შემსყიდველი ორგანიზაცია მიმართავს მას წარმოადგინოს საკვალიფიკაციო მონაცემების დამადასტურებელი დოკუმენტები. მიმწოდებლის ვალდებულებები საკვალიფიკაციო მოთხოვნების დამადასტურებელი დოკუმენტაციასთან და მათ წარმოდგენასთან დაკავშირებით მითითებულია სატენდერო დოკუმენტაციაში.

პრეტენდენტის ტექნიკური დოკუმენტაციის სატენდერო დოკუმენტაციასთან არსებითი შეუსაბამობისა ან მის მიერ საკვალიფიკაციო მონაცემების დამადასტურებელი დოკუმენტების წარმოუდგენლობის ან/და ხარვეზის მქონე მონაცემების წარმოდგენის შემთხვევაში, ხდება პრეტენდენტის დისკვალიფიკაცია. ასეთ შემთხვევაში, შემსყიდველი ორგანიზაციას უფლება აქვს მიმართოს ყველაზე დაბალი ფასის მქონე მომდევნო პრეტენდენტს, წარმოადგინოს საკვალიფიკაციო მონაცემების დამადასტურებელი დოკუმენტები, თუ მისი ტექნიკური დოკუმენტაცია შეესაბამება სატენდერო განცხადებასა და სატენდერო დოკუმენტაციაში ასახულ მოთხოვნებს. თუ მომდევნო ყველაზე დაბალი ფასის მქონე პრეტენდენტის წინადადების ფასი ბაზარზე შეცვლილი გარემოებების შედეგად მნიშვნელოვნად აღემატება დისკვალიფიცირებული პრეტენდენტის ფასს ან/და ამ შესყიდვის ობიექტის საბაზრო ფასს, სატენდერო კომისიას უფლება აქვს შეწყვიტოს ტენდერი.

იმ შემთხვევაში, თუ ყველაზე დაბალი ფასის მქონე პრეტენდენტი ყველა შემოთხსენებულ ეტაპს წარმატებით გაივლის. ამ პრეტენდენტის მიერ საკვალიფიკაციო მონაცემების წარმოდგენიდან 5 დღის ვადაში შემსყიდველი ორგანიზაცია მასთან დებს სახელმწიფო შესყიდვის შესახებ ხელშეკრულებას.

B საკვალიფიკაციო მონაცემების დამადასტურებელი დოკუმენტები

საკვალიფიკაციო მოთხოვნების თანახმად, პრეტენდენტმა უნდა წარმოადგინოს

ა) ამონაწერი მეწარმეთა და არასამეწარმეო (არაკომერციული) იურიდიულ პირთა რეესტრიიდან.

ბ) ცნობა შესაბამისად უფლებამოსილი ორგანოდან ბიუჯეტთან ანგარიშსწორების თაობაზე.

თუ პრეტენდენტი არის უცხო ქვეყნის მეწარმე სუბიექტი მან უნდა წარმოადგინოს შესაბამის ქვეყანაში გაცემული, აპოსტილით ან ლეგალიზაციით დამოწმებული დოკუმენტი, რომელსაც თან უნდა დაერთოს სათანადო ნოტარიული წესით დამოწმებული ქართული თარგმანი.

პრეტენდენტს არ აქვს უფლება წარმოადგინოს ალტერნატიული წინადადება.

საკვალიფიკაციო მონაცემების დამადასტურებელი დოკუმენტების წარმოდგენა პრეტენდენტის მიერ უნდა მოხდეს შემსყიდველი ორგანიზაციის მოთხოვნით გათვალისწინებულ გონივრულ ვადაში, მაგრამ

არაუგვიანეს ხუთი დღისა მოთხოვნიდან.

საკვალიფიკაციო მოთხოვნების დამადასტურებელი, ადმინისტრაციული ორგანოებიდან გასაცემი დოკუმენტები გაცემული უნდა იყოს ერთიან ელექტრონულ სისტემაში ეტაპი – „ტენდერი გამოცხადებულია“ დაწყების შემდეგ.

C ტექნიკური დავალება, სატენდერო წინადადების გაანგარიშების წესი, ანგარიშსწორების პირობები (ხელშეკრულების სავალდებულო პირობები)

3.1. შესასყიდი ობიექტის დასახელება, აღწერილობა, მოცულობა ვადები,

3.1.1. შესყიდვის ობიექტია ინტრანეტ ქსელის მომსახურება, რომელიც გულისხმობს შემსყიდველი ორგანიზაციის სტრუქტურულ ერთეულებს შორის, ოპტიკურ-ბოჭკოვანი კაბელის მეშვეობით, ინტრანეტ კავშირის უზრუნველყოფას და, ასევე სატელეფონო კანალიზაციაში კავშირგაბმულობის კაბელის გატარების მომსახურების გაწევას შემსყიდველი ორგანიზაციისთვის.

3.1.2 შესყიდვის ობიექტის მიწოდება განხორციელდება 2012 წლის 1 იანვრიდან 2012 წლის 31 დეკემბრის ჩათვლით არსებული პერიოდის განმავლობაში.

3.1.3. სატელეფონო კანალიზაციაში კავშირგაბმულობის კაბელების გატარება განხორციელდება შემდეგი მიმართულებით: ქ. თბილისი დ. აღმაშენებლის გამზ. №89/24-ქ. – ქ. თბილისი, წმ. ნიკოლოზის/ნ.ჩხეიძის №2. სტელეფონო ჭაში გასატარებელია ოპტიკურ-ბოჭკოვანი ტიპის კაბელი რომლის გარსის დიამეტრია – 15მმ, ხოლო მისი სიგრძეა 1665 მეტრი.

3.1.4. ინტრანეტ კავშირით უნდა იქნეს უზრუნველყოფილი შემსყიდველი ორგანიზაციის შემდეგი სტრუქტურული ერთეულები შემდეგი სიჩქარეებით:

ბათუმის იუსტიციის სახლი (ქ.ბათუმი, შ. ნიშნაშვილის ქუჩა)	512 კბ/წმ
ქუთაისის ოფისი (ქ.ქუთაისი, სადგურის მოედანი №3)	1 მბ/წმ
რუსთავის იუსტიციის სახლი (ქ.რუსთავი, ახალგაზრდობის პარკის მიმდებარე)	1 მბ/წმ
მცხეთის ოფისი (ქ.მცხეთა, მუხრანის ქ. №17)	1 მბ/წმ
გორის ოფისი (ქ.გორი, სუხიშვილის ქ. №26)	1 მბ/წმ
გარდაბნის ოფისი (ქ.გარდაბანი, აღმაშენებლის ქ. №73)	1 მბ/წმ
ცენტრალური ოფისი (ქ.თბილისი, წმ. ნიკოლოზის/ნ.ჩხეიძის ქ.№2)	10 მბ/წმ
ბექაპ არხი ცენტრალურ ოფისსა და თბილისის სარეგისტრაციო სამსახურის ოფისს შორის	100 მბ/წმ
თელავის ოფისი (ქ.თელავი, აღმაშენებლის ქ. №41)	256 კბ/წმ
ბორჯომის ოფისი (ქ.ბორჯომი, რუსთაველის მოედანი №1)	256 კბ/წმ
ფოთის ოფისი(ქ.ფოთი, წმ.გიორგის ქ.№4)	1 მბ/წმ
ოზურგეთის ოფისი ქ. ოზურგეთი, მ.კოსტავას ქ.№1)	256 კბ/წმ
მარნეულის ოფისი (ქ. მარნეული, ი.გოგებაშვილის ქ. №41)	512 კბ/წმ
ხაშურის ოფისი(ქ. ხაშური, გ.ტაბიძის ქ.№2)	1 მბ/წმ
ზესტაფონის ოფისი (ქ.ზესტაფონი, ა.წერეთლის ქ.№7)	1 მბ/წმ
სამტრედიის ოფისი(ქ. სამტრედია, რესპუბლიკის ქ.№6)	1 მბ/წმ
სენაკის ოფისი (ქ.სენაკი,შ. რუსთაველის ქ.№235)	256 კბ/წმ
ახალციხის ოფისი (ქ.ახალციხე, კეცხოველის ქ.№6)	512 კბ/წმ

3.2. სატენდერო წინადადების გაანგარიშების წესი:

3.2.1. სატელეფონო ჭაში ტექნიკურ დავალებაში მითითებული კაბელის გატარების უზრუნველყოფის მომსახურების ღირებულება უნდა განისაზღვროს ყოველთვიური სააბონენტო გადასახადის საფუძველზე. აღნიშნული ღირებულება უნდა ითვალისწინებდეს ამ მომსახურების გაწევისათვის საჭირო ყველა ხარჯს და მოქმედი კანონმდებლობით დადგენილ ყველა გადასახადს, დღგ-ს ჩათვლით.

3.2.2. შემსყიდველი ორგანიზაციის სტრუქტურულ ერთეულებს შორის ინტრანეტ კავშირის უზრუნველყოფის მომსახურების ღირებულება უნდა გაანგარიშებული უნდა იყოს ფასთა ცხრილის ფორმის (სატენდერო დოკუმენტაციის დანართი №1) მიხედვით, ყოველთვიური სააბონენტო გადასახადის საფუძველზე. მომსახურების ღირებულებაში გათვალისწინებული უნდა იყოს, ამ

მომსახურების გაწევისათვის საჭირო ყველა ხარჯი და მოქმედი კანონმდებლობით მიმწოდებლისთვის დადგენილი ყველა გადასახადი.

3.2.3. პროექტდენტის მიერ წარმოდგენილი სატენდერო წინადადების ფასი უნდა შეადგენდეს წლის განმავლობაში გადასახდელი, ინტრანეტ კავშირის უზრუნველყოფის და კაბელის გატარების მომსახურებების ყოველთვიური სააბონენტო გადასახადების ჯამურ ღირებულებას.

3.3. ანგარიშსწორების საგაღებულო პირობები

3.3.1. წინასწარი ანგარიშსწორება არ გამოიყენება.

3.3.2. მიმწოდებელს შესყიდვის ობიექტის ღირებულება აუნაზღაურდება ყოველთვიურად, ყოველ კალენდარული თვის განმავლობაში ფაქტიურად გაწეული მომსახურების გათვალისწინებით, ანგარიშ-ფაქტურის წარმოდგენის შემდეგ, მომსახურების გაწევის შემდეგ, შესაბამისი მიღება-ჩაბარების აქტის გაფორმების საფუძველზე, მისი გაფორმებიდან 15 სამუშაო დღის ვადაში.

D პროექტდენტის ტექნიკური დოკუმენტაცია

4.1. პროექტდენტმა უნდა წარმოადგინოს შესაბამისად უფლებამოსილი პირის მიერ ხელმოწერილი დოკუმენტი, რომლითაც განისაზღვრება სატენდერო წინადადების მოქმედების ვადა, რომელიც არ უნდა იყოს 30 დღეზე ნაკლები, რომლის ათვლაც დაიწყება მის მიერ სატენდერო წინადადების სიტემაში ატვირთვის დღიდან.

4.2. შესაბამისად უფლებამოსილი პირის მიერ ხელმოწერილ ინფორმაცია უკანასკნელი 2 წლის განმავლობაში ანალოგიური მომსახურების მიწოდების შესახებ.

4.3. პროექტდენტმა უნდა წარმოადგინოს სატელეფონო ჭაში ტექნიკური დავალებით გათვალისწინებული კაბელის გატარების მომსახურების ღირებულება ყოველთვიური სააბონენტო გადასახადის სახით და, ასევე, ინტრანეტ კავშირის მომსახურების ყოველთვიური სააბონენტო გადასახადი სატენდერო დოკუმენტაციის დანართი №1-ში მოცემული ფასთა ცხრილის ფორმის შესაბამისად.

4.5. პროექტდენტმა უნდა წარმოადგინოს შესაბამისად უფლებამოსილი პირის მიერ დამოწმებული ინფორმაცია პროექტდენტი იურიდიული პირის სამართლებრივ-ორგანიზაციული ფორმის, სახელწოდების, იურიდიული მისამართის, საბანკო რეკვიზიტების, საიდენტიფიკაციო კოდის შესახებ.

4.6. სახელმწიფო შესყიდვების ერთიან ელექტრონულ სისტემაში ატვირთული ყველა დოკუმენტი ან/და ინფორმაცია წარმოდგენილი უნდა იქნეს ქართულ ენაზე, დოკუმენტების ან/და ინფორმაციის უცხოურ ენაზე წარდგენის შემთხვევაში, მათ უნდა დაერთოს ნოტარიულად დამოწმებული ქართული თარგმანი.

4.7. სახელმწიფო შესყიდვების ერთიან ელექტრონულ სისტემაში პროექტდენტის მიერ ატვირთული, სატენდერო დოკუმენტაციის ტექნიკური დავალების პირობების ამსახველი ყველა დოკუმენტი ან/და ინფორმაცია უნდა ხელმოწერილი იყოს მეწარმეთა კანონის მე-9 მუხლით გათვალისწინებული ხელმძღვანელობის მქონე პირების მიერ (თუ ხელს აწერს სხვა პირი წარმოდგენილი უნდა იყოს ამ პირის წარმომადგენლობითი უფლებამოსილების დამადასტურებელი სათანადოდ გაფორმებული დოკუმენტი) და დამოწმებული კომპანიის ბეჭდით.

- პროექტდენტს არ აქვს უფლება წარმოადგინოს ალტერნატიული წინადადება.

დანართი №1

ერთი თვის ინტრანეტ კავშირის უზრუნველყოფის მომსახურების ღირებულების ფასთა ცხრილი

№	ოფისების მისამართები	სიჩქარე	ღირებულება (თვეში)
1	ბათუმის იუსტიციის სახლი (ქ.ბათუმი, შ. ზიმშიაშვილის ქუჩა)	512 კბ/წმ	
2	ქუთაისის ოფისი (ქ.ქუთაისი, სადგურის მოედანი №3)	1 მბ/წმ	
3	რუსთავის იუსტიციის სახლი (ქ.რუსთავი, ახალგაზრდობის პარკის მიმდებარე)	1 მბ/წმ	
4	მცხეთის ოფისი (ქ.მცხეთა, მუხრანის ქ. №17)	1 მბ/წმ	
5	გორის ოფისი (ქ.გორი, სუხიშვილის ქ. №26)	1 მბ/წმ	
6	გარდაბნის ოფისი (ქ.გარდაბანი, აღმაშენებლის ქ. №73)	1 მბ/წმ	
7	ცენტრალური ოფისი (ქ.თბილისი, წმ. ნიკოლოზის/ნ.ჩხეიძის ქ.№2)	10 მბ/წმ	
8	ბექაპ არხი ცენტრალურ ოფისსა და თბილისის სარეგისტრაციო სამსახურის ოფისს შორის	100 მბ/წმ	
9	თელავის ოფისი (ქ.თელავი, აღმაშენებლის ქ. №41)	256 კბ/წმ	
10	ბორჯომის ოფისი (ქ.ბორჯომი, რუსთაველის მოედანი №1)	256 კბ/წმ	
11	ფოთის ოფისი (ქ.ფოთი, წმ.გიორგის ქ.№4)	1 მბ/წმ	
12	ოზურგეთის ოფისი (ქ. ოზურგეთი, მ.კოსტავას ქ.№1)	256 კბ/წმ	
13	მარნეულის ოფისი (ქ. მარნეული, ი.გოგებაშვილის ქ. №41)	512 კბ/წმ	
14	ხაშურის ოფისი (ქ. ხაშური, გ.ტაბიძის ქ.№2)	1 მბ/წმ	
15	ზეესტაფონის ოფისი (ქ.ზეესტაფონი, ა.წერეთლის ქ.№7)	1 მბ/წმ	
16	სამტრედიის ოფისი (ქ. სამტრედია, რესპუბლიკის ქ.№6)	1 მბ/წმ	
17	სენაკის ოფისი (ქ.სენაკი,შ. რუსთაველის ქ.№235)	256 კბ/წმ	
18	ახალციხის ოფისი (ქ.ახალციხე, კეცხოველის ქ.№6)	512 კბ/წმ	
	ჯამი		

მესამე სვეტი შესავსებაა მიმწოდებლის მიერ

სახელმწიფო შესყიდვის შესახებ ხელშეკრულების პროექტი

წინამდებარე ხელშეკრულების პროექტის დებულებები, გარდა სატენდერო დოკუმენტაციის მე-3(C) თავით გათვალისწინებული აუცილებელი პირობებისა, არ არის სავალდებულო. ისინი ზუსტდება გამარჯვებული პრეტენდენტის სატენდერო წინადადების საფუძველზე. გამარჯვებულ პრეტენდენტთან მოლაპარაკების შედეგად მიღწეული შეთანხმებით შეიძლება დაზუსტდეს წინამდებარე ხელშეკრულების პროექტის დებულებები ისე, რომ არ ეწინააღმდეგებოდეს სატენდერო წინადადებას და სატენდერო დოკუმენტაციის მე-3(C) თავით გათვალისწინებულ სავალდებულო პირობებს.

ქობილისი

წელი.

იმის გათვალისწინებით რომ, შემსყიდველი ორგანიზაციის მიერ გამოცხადებულ ინტრანეტ ქსელის მომსახურების შესყიდვაზე გამოცხადებულ გამარტივებულ ელექტრონულ ტენდერში № გაიმარჯვა ----- სატენდერო წინადადება,

აღნიშნული სატენდერო წინადადების საფუძველზე,

ერთის მხრივ, საჯარო რეესტრის ეროვნული სააგენტო, (შემდგომში – შემსყიდველი ორგანიზაცია), წარმოდგენილი მისი შესყიდვების სამსახურის უფროსის ლაშა მერაბიშვილის სახით და მეორეს მხრივ, „-----“ (შემდგომში - მიმწოდებელი), მისი დირექტორის ----- სახით, ვხელმძღვანელობთ რა სახელმწიფო შესყიდვების შესახებ საქართველოს კანონის და საქართველოში მოქმედი სხვა კანონმდებლობით, ვდებთ წინამდებარე ხელშეკრულებას შემდეგზე:

I. ხელშეკრულების საგანი

1.1. ხელშეკრულების საგანია ინტრანეტ ქსელის მომსახურების (შემდგომში – შესყიდვის ობიექტი) შესყიდვა.

1.2. ინტრანეტ ქსელის მომსახურება გულისხმობს შემსყიდველი ორგანიზაციის სტრუქტურულ ერთეულებს შორის, ოპტიკურ-ბოჭკოვანი კაბელის მეშვეობით, ინტრანეტ კავშირის უზრუნველყოფას და, ასევე, სატელეფონო ჭაში ოპტიკურ-ბოჭკოვანი კაბელის (გარსის დიამეტრი-15მმ, სიგრძე-1665 მეტრი) გატარების მომსახურებას.

II. შესყიდვის ობიექტის ღირებულება

2.1. სატელეფონო ჭაში ხელშეკრულებით გათვალისწინებული კაბელის გატარების მომსახურების ყოველთვიური სააბონენტო გადასახადი შეადგენს ----- ლარს, საქართველოს მოქმედი კანონმდებლობით გათვალისწინებული გადასახადების გათვალისწინებით.

2.2. შემსყიდველი ორგანიზაციის სტრუქტურულ ერთეულებს შორის ინტრანეტ კავშირის უზრუნველყოფის ყოველთვიური სააბონენტო ღირებულება განისაზღვრება მიმწოდებლის მიერ წარმოდგენილი ფასთა ცხრილის შესაბამისად (დანართი №1) და შეადგენს ----- ლარს.

2.3. ხელშეკრულების საერთო ღირებულება შეადგენს -----
----- (-----) ლარს, საქართველოს მოქმედი კანონმდებლობით გათვალისწინებული გადასახადების გათვალისწინებით.

III. შესყიდვის ობიექტის მიწოდების ვადები და ადგილი

3.1. შესყიდვის ობიექტის მიწოდება განხორციელდება 2012 წლის 1 იანვრიდან 2012 წლის 31 დეკემბრის ჩათვლით არსებული პერიოდის განმავლობაში.

3.2. შესყიდვის ობიექტის ადგილად ითვლება ქ.თბილისი, წმ.ნიკოლოზის/ნ.ჩხეიძის ქ.№2, ქ.თბილისი, დაღმაშენებლის გამზ.№89/24 და შემსყიდველი ორგანიზაციის ფასთა ცხრილში (დანართი №1) მოცემული ტერიტორიული ოფისები.

IV. შესყიდვის ობიექტის მიღება-ჩაბარების წესი

შესყიდვის ობიექტი ან მისი ნაწილი ჩაითვლება მიღებულად მიმწოდებლის მიერ შემსყიდველი ორგანიზაციისათვის შესყიდვის ობიექტის ან მისი ნაწილის ფაქტობრივი მიწოდებისა და დეტალური ამონაბეჭდის წარმოდგენის შემდეგ.

V. ანგარიშსწორების ფორმა, ვადა, ადგილი

5.1. მიმწოდებელთან ანგარიშსწორება განხორციელდება ლარებში, „საჯარო რეესტრის შესახებ“ საქართველოს კანონის საფუძველზე მიღებული შემოსავლებით.

5.2. მიმწოდებელს, შესყიდვის ობიექტის ღირებულება აუნაზღაურდება ეტაპობრივად, ყოველთვიურად, უნაღლო ანგარიშსწორებით, მხარეთა მიერ გაფორმებული შესაბამისი მიღება-ჩაბარების აქტის საფუძველზე, შესაბამისი ანგარიშ-ფაქტურის წარმოდგენიდან 15 (თხუთმეტი) სამუშაო დღის ვადაში.

5.3. ანაზღაურების ადგილია ქ.თბილისი.

VI. მხარეთა უფლება-მოვალეობანი

6.1. შემსყიდველი ორგანიზაცია და მიმწოდებელი მოქმედებენ საქართველოს კანონმდებლობის სრული დაცვით.

6.2. შემსყიდველი ორგანიზაცია ვალდებულია ხელშეკრულებით გათვალისწინებული პირობების შესაბამისად, აუნაზღაუროს მიმწოდებელს შესყიდვის ობიექტის ღირებულება;

6.3. მიმწოდებელი ვალდებულია შემსყიდველ ორგანიზაციას მიაწოდოს შესყიდვის ობიექტი ხელშეკრულების პირობების შესაბამისად და უზრუნველყოს ინტრანეტ კავშირი უწყვეტად 24 საათის განმავლობაში და ამ კავშირის სიჩქარე ხელშეკრულების დანართი №1-ის შესაბამისად.

6.4. შემსყიდველი ორგანიზაციას უფლება აქვს მოსთხოვოს მიმწოდებელს ხელშეკრულებით გათვალისწინებული პირობების სრული და ჯეროვანი შესრულება.

6.5. მიმწოდებელს უფლება აქვს მოსთხოვოს შემსყიდველ ორგანიზაციას შესყიდვის ობიექტის ღირებულების ანაზღაურება ხელშეკრულებით გათვალისწინებული პირობების შესაბამისად.

VII. მხარეთა პასუხისმგებლობა ხელშეკრულების პირობების დარღვევისას

7.1. მხარეები პასუხს აგებენ ერთმანეთის წინაშე მათ მიერ ამ ხელშეკრულებით ნაკისრი ვალდებულებების შეუსრულებლობის ან არაჯეროვნად შესრულებისათვის.

7.2. თუ ერთ-ერთი მხარე არ ასრულებს ან არაჯეროვნად ასრულებს შესყიდვის ობიექტთან დაკავშირებულ ვალდებულებას, მეორე მხარე წერილობითი ფორმით აფრთხილებს შეასრულოს ხელშეკრულებით ნაკისრი ვალდებულებები.

7.3. მხარის მიერ ვალდებულებების კვლავ შეუსრულებლობის ან არსებითად დარღვევის შემთხვევაში მეორე მხარეს უფლება აქვს ვადამდე ცალმხრივად შეწყვიტოს ხელშეკრულების მოქმედება.

7.4. თუ დადგინდა რომ მიმწოდებელი ვერ უზრუნველყოფს შემსყიდველი ორგანიზაციის სტრუქტურულ ერთეულებს შორის ინტრანეტ კავშირის განხორციელებას ან ამ კავშირის სიჩქარეს ხელშეკრულების შესაბამისად 8 საათის განმავლობაში, 8 საათის გასვლის შემდეგ, ყოველ მომდევნო საათზე შემსყიდველ ორგანიზაციას უფლება აქვს, ხოლო მიმწოდებელი ვალდებულია გადაიხადოს პირგასამტეხლო ყოველთვიური სააბონენტო გადასახადის 0,3 პროცენტის ოდენობით. პირგასამტეხლოს გადახდა შეიძლება განხორციელდეს მიმწოდებლისთვის ასანაზღაურებელი თანხიდან გამოქვითის გზით.

7.5. შემსყიდველი ორგანიზაციის მიერ ანგარიშსწორების ვადების დარღვევის შემთხვევაში, ყოველ გადაცილებულ დღეზე მას დაეკისრება პირგასამტეხლო აუნაზღაურებელი თანხის 0.3 პროცენტის ოდენობით.

7.6. თუ ერთი მხარისთვის დაკისრებული პირგასამტეხლოს საერთო ოდენობა გადააჭარბებს ხელშეკრულების ჯამური ღირებულების 3 პროცენტს, მეორე მხარეს უფლება აქვს ცალმხრივად ვადადე შეწყვიტოს ხელშეკრულების მოქმედება.

VIII. ხელშეკრულების ინსპექტირების პირობები

ხელშეკრულების ინსპექტირებას განახორციელებს შემსყიდველი ორგანიზაციის საინფორმაციო ტექნოლოგიების სამსახურის უფროსი (უფროსის მოვალეობის შემსრულებელი).

IX. ფორს-მაჟორული სიტუაციები

9.1. მხარეები პასუხისმგებელნი არ არიან თავიანთ ვალდებულებათა შეუსრულებლობაზე, თუ ის გამოწვეულია ისეთი გარემოებებით, როგორიცაა: საომარი მოქმედებები, წყალდიდობა, ხანძარი, მიწისძვრა, სხვა სტიქიური მოვლენები, აგრეთვე წინასწარ გაუთვალისწინებელი, აუცდენელი, მხარეების ნებისგან დამოუკიდებელი ობიექტური გარემოებები, რომლებიც უშუალო ზემოქმედებას ახდენენ ხელშეკრულების შესრულებაზე.

9.2. ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების, მათი გამომწვევი მიზეზების შესახებ.

9.3. თუ ფორს-მაჟორული გარემოებების გამო სახეზეა მხარის მიერ ვალდებულების დროებითი შეუსრულებლობა, იგი უგზავნის წერილობით შეტყობინებას მეორე მხარეს ასეთი გარემოებების და ვალდებულების შეუსრულებლობის ხანგრძლივობის შესახებ. თუ მეორე მხარე არ დათანხმდა ვალდებულების შესრულების ვადის გაგრძელებაზე, ის წყვეტს ხელშეკრულების მოქმედებას.

X. ხელშეკრულების პირობების გადასინჯვა

10.1. მხარეთა შეთანხმებით შესაძლებელია განხორციელდეს ხელშეკრულების პირობების ნებისმიერი ცვლილება, გარდა ისეთი ცვლილებისა, რომლითაც იზრდება ხელშეკრულების ღირებულება ან უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. საქართველოს სამოქალაქო კოდექსის 398-ე მუხლით გათვალისწინებული შემთხვევებში ხელშეკრულების ღირებულების გაზრდა დასაშვებია ხელშეკრულების ღირებულების 10 პროცენტის ოდენობის ფარგლებში.

10.2. ნებისმიერი ცვლილება და დამატება ამ მუხლის გათვალისწინებით ხელშეკრულებაში შეიძლება შეტანილ იქნეს მხოლოდ წერილობითი ფორმით. ხელშეკრულების პირობების ნებისმიერ ცვლილებაზე უნდა გაფორმდეს შეთანხმება, რომელიც ჩაითვლება ხელშეკრულების განუყოფელ ნაწილად.

XI. ხელშეკრულების მოქმედების შეწყვეტა

11.1. ხელშეკრულება ავტომატურად წყვეტს მოქმედებას თუ გავიდა ხელშეკრულების მოქმედების ვადა.

11.2. ხელშეკრულება შეიძლება შეიძლება შეწყდეს ერთი მხარის მიერ ცალმხრივად:

11.2.ა. თუ მეორე მხარე დამატებით ვადაშიც არ ასრულებს ან არსებითად არღვევს ხელშეკრულებით ნაკისრ ვალდებულებას.

11.2.ბ. სამოქალაქო კოდექსის 398-ე მუხლით გათვალისწინებული გარემოებების დადგომისას, როცა მეორე მხარე უარს ამბობს ხელშეკრულების მისადაგებას შეცვლილ გარემოებებთან, ან შეუძლებელია შეცვლილ გარემოებებთან ხელშეკრულების მისადაგება. სამოქალაქო კოდექსის 398-ე მუხლით გათვალისწინებული გარემოებების გამო ხელშეკრულების შეწყვეტისას შემსყიდველმა ორგანიზაციამ უნდა აუნაზღაუროს მიმწოდებელს აღნიშნულ გარემოებებამდე განხორციელებული მიწოდება.

11.2.გ. თუ მის მიერ ხელშეკრულებით გათვალისწინებული ვალდებულებების შესრულება შეუძლებელია ფორს-მაჟორული გარემოებების გამო ან თუ მის მიერ ხელშეკრულებით გათვალისწინებული ვალდებულების შესრულება შეუძლებელია დროებით და მეორე მხარე უარს ამბობს ვალდებულების შესრულების ვადის შესაბამისი ვადით გაგრძელებაზე. ფორს-მაჟორული გარემოებების გამო შესყიდვის ობიექტის მიწოდების შეუძლებლობის გამო ხელშეკრულების შეწყვეტისას მიმწოდებელს უნდა ანაზღაურდეს ფორს-მაჟორული გარემოებების დადგომამდე განხორციელებული მიწოდება.

XII. ხელშეკრულების მოქმედების ვადა

ხელშეკრულება ძალაშია 2012 წლის 1 იანვრიდან და მოქმედებს 2012 წლის 31 დეკემბრის ჩათვლით.

XIII. დავა და მისი გადაწყვეტის წესი

13.1. წამოჭრილი დავა ან აზრთა სხვადასხვაობა შესაძლებელია გადაწყდეს ორივე მხარის ერთობლივი მოლაპარაკების საფუძველზე.

13.2. თუ შემსყიდველი ორგანიზაცია და მიმწოდებელი მოლაპარაკებების დაწყებიდან 15 (თხუთმეტი) დღის განმავლობაში ვერ შეძლებენ შეთანხმების საფუძველზე გადაწყვეტონ დავა, მაშინ ნებისმიერ მხარეს შეუძლია მიმართოს სასამართლოს მოქმედი კანონმდებლობით დადგენილი წესით.

XIV. სხვა პირობები

14.1. ხელშეკრულების დანართი №1 წარმოადგენს ხელშეკრულების განუყოფელ ნაწილს თან ერთვის მას.

14.2. ამ ხელშეკრულებით გაუთვალისწინებელი პირობები რეგულირდება საქართველოს მოქმედი კანონმდებლობით.

14.3. არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე.

14.4. მესამე პირთან ურთიერთობაში მხარეები მოქმედებენ თავიანთი სახელით, ხარჯებითა და რისკით.

14.5. ხელშეკრულება შედგენილია ქართულ ენაზე ორ ეგზემპლარად, რომელთაგან თითოეულს აქვს თანაბარი იურიდიული ძალა და ინახება ხელმომწერ მხარეებთან. ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

14.6 მიმწოდებელი პასუხს არ აგებს შემსყიდველი ორგანიზაციის მიერ განხორციელებულ, გადაცემულ და მიღებულ ინფორმაციაზე.

***XV. მხარეთა იურიდიული მისამართები და რეკვიზიტები, მხარეების წარმომადგენელთა
ხელმოწერები, ბეჭედი***

შემსყიდველი ორგანიზაცია:

საჯარო რეესტრის ეროვნული სააგენტო

უფლებამოსილი წარმომადგენლის სახელი და გვარი: ლაშა მერაბიშვილი

მისამართი: ქ.თბილისი, წმ. ნიკოლოზის/ნ. ჩხეიძის ქ. №2

საბანკო რეკვიზიტები: ს.ს. „საქართველოს ბანკის“ ცენტრალური ფილიალი, ა/ა №008609114,
ბ/კ BAGAGE22, ს/კ №202238621

შესყიდვების სამსახურის უფროსი

ლ. მერაბიშვილი

მიმწოდებელი:

„“

უფლებამოსილი წარმომადგენლის სახელი და გვარი:

მისამართი:

საბანკო რეკვიზიტები: ს.ს. „“, ა/ა № , ბ/კ № ,

ს/კ № “

დირექტორი

დანართი №1

ერთი თვის ინტრანეტ კავშირის უზრუნველყოფის მომსახურების ღირებულების ფასთა ცხრილი

№	ოფისების მისამართები	სიჩქარე	ღირებულება (თვეში)
1	ბათუმის იუსტიციის სახლი (ქ.ბათუმი, შ. ზიმშიაშვილის ქუჩა)	512 კბ/წმ	
2	ქუთაისის ოფისი (ქ.ქუთაისი, სადგურის მოედანი №3)	1 მბ/წმ	
3	რუსთავის იუსტიციის სახლი (ქ.რუსთავი, ახალგაზრდობის პარკის მიმდებარე)	1 მბ/წმ	
4	მცხეთის ოფისი (ქ.მცხეთა, მუხრანის ქ. №17)	1 მბ/წმ	
5	გორის ოფისი (ქ.გორი, სუხიშვილის ქ. №26)	1 მბ/წმ	
6	გარდაბნის ოფისი (ქ.გარდაბანი, აღმაშენებლის ქ. №73)	1 მბ/წმ	
7	ცენტრალური ოფისი (ქ.თბილისი, წმ. ნიკოლოზის/ნ.ჩხეიძის ქ.№2)	10 მბ/წმ	
8	ბექაპ არხი ცენტრალურ ოფისსა და თბილისის სარეგისტრაციო სამსახურის ოფისს შორის	100 მბ/წმ	
9	თელავის ოფისი (ქ.თელავი, აღმაშენებლის ქ. №41)	256 კბ/წმ	
10	ბორჯომის ოფისი (ქ.ბორჯომი, რუსთაველის მოედანი №1)	256 კბ/წმ	
11	ფოთის ოფისი (ქ.ფოთი, წმ.გიორგის ქ.№4)	1 მბ/წმ	
12	ოზურგეთის ოფისი (ქ. ოზურგეთი, მ.კოსტავას ქ.№1)	256 კბ/წმ	
13	მარნეულის ოფისი (ქ. მარნეული, ი.გოგებაშვილის ქ. №41)	512 კბ/წმ	
14	ხაშურის ოფისი (ქ. ხაშური, გ.ტაბიძის ქ.№2)	1 მბ/წმ	
15	ზეესტაფონის ოფისი (ქ.ზეესტაფონი, ა.წერეთლის ქ.№7)	1 მბ/წმ	
16	სამტრედიის ოფისი (ქ. სამტრედია, რესპუბლიკის ქ.№6)	1 მბ/წმ	
17	სენაკის ოფისი (ქ.სენაკი,შ. რუსთაველის ქ.№235)	256 კბ/წმ	
18	ახალციხის ოფისი (ქ.ახალციხე, კეცხოველის ქ.№6)	512 კბ/წმ	
	ჯამი		

შეესებული მიმწოდებლის მიერ.

აფიდავიტი

სატენდერო წინადადების დამოუკიდებლად განსაზღვრის თაობაზე

გამოცხადებულ ტენდერში მონაწილეობის მიღების მიზნით, ვადასტურებ, რომ ჩემს მიერ წარმოდგენილი სატენდერო წინადადება შემუშავებულია კონკურენტისგან დამოუკიდებლად. ასევე ვადასტურებ, რომ:

* ჩემთვის ცნობილია, რომ სატენდერო წინადადება დისკვალიფიცირებულ იქნება, თუ აღმოჩნდა, რომ აფიდავითში მოცემული ინფორმაცია არის ყალბი ან/და ცრუ;

* უფლებამოსილი ვარ პრეტენდენტის მიერ, ხელი მოვანერო ამ აფიდავითს და წარვადგინო ეს სატენდერო წინადადება;

* ნებისმიერ პირი, რომლის ხელმოწერაც დაფიქსირებულია სატენდერო წინადადებაზე, შესაბამისად უფლებამოსილია პრეტენდენტის მიერ;

* ჩემთვის ცნობილია რომ ტერმინი "კონკურენტი" აფიდავითის მიზნებიდან გამომდინარე, გულისხმობს ნებისმიერ პირს, რომელიც შესაძლებელია იყოს პრეტენდენტი ან/და წარადგინოს სატენდერო წინადადება ამ ტენდერში;

* მატერიალური გამორჩენის ან უპირატესობის მიღების მიზნით პრეტენდენტსა და კონკურენტს შორის არ წარმოებულია კონსულტაცია, კომუნიკაცია, შეთანხმება ან მოლაპარაკება შემდეგ საკითხებთან დაკავშირებით:

- სატენდერო წინადადების ფასი;
- სატენდერო წინადადების ფასის გამოთვლის მეთოდი, კოეფიციენტი ან ფორმულა;
- სატენდერო წინადადების წარდგენა ან წარდგენისგან თავის შეკავება;
- ისეთი სატენდერო წინადადების განზრახ წარდგენა, რომელიც არ აკმაყოფილებს გამოცხადებული ტენდერის პირობებს;
- შესყიდვის ობიექტის ხარისხი, მოცულობა, ტექნიკური პირობები ან მინოდეების დეტალები, რომელთაც ეხება სატენდერო წინადადება;

* სატენდერო წინადადების პირობები პრეტენდენტს წინასწარი განზრახვით, პირდაპირ ან არაპირდაპირ, არ გაუმჟღავნებია ან/და არ გაუმჟღავნებს კონკურენტს სატენდერო წინადადების განსაჯარობის მომენტამდე.

გავეცანი ამ აფიდავითის შინაარსს და ვადასტურებ წარმოდგენილი ინფორმაციის უტყუარობას.

სახელმწიფო შესყიდვების მიზნებისთვის, აფიდავითი წარმოადგენს სატენდერო წინადადების დამოუკიდებლად განსაზღვრის თაობაზე წერილობით დოკუმენტს, რომლის ხელმოწერი, პრეტენდენტის სახელით, ადასტურებს დოკუმენტში მითითებული ინფორმაციისა და გარემოებების უტყუარობას და საქართველოს კანონმდებლობით დადგენილი წესით პასუხს აგებს აღნიშნული ინფორმაციისა და გარემოებების უტყუარობაზე. აფიდავითით განსაზღვრული პირობების დარღვევა იწვევს სისხლის-სამართლებრივ პასუხისმგებლობას საქართველოს სისხლის სამართლის კოდექსის 195¹ მუხლის შესაბამისად.